

江

西

詩

徵

江西詩徵卷六十一

南城曾煥窗谷編輯

明

鄒德溥

德溥字汝光號泗山安福人守益孫萬歷十一年  
進士選庶常歷官太子洗馬以事株累削籍歸里  
中講學解經爲當世所宗所著有雪山草甸句吟  
諸集

雨齋聞蟬

西山一望隔簾櫳柳暗花明御苑東  
斷續蟬聲聽不盡夕陽人立小亭中

九龍菴

杖到山窮處忽開祇樹林巖空松月淨磴古蘚雲深野鶴  
有仙格枯僧無世心此中觀太始靈籟夜沈沈

偕友石城洞

松植無根樹蓮開不帶花石田收幾許龍井灌誰家玉甌  
疑看月金龜欲飲霞雕鏤亦天巧感世獨長嗟

乾坤何弔詭藏此一山陰鐘鼓鳴金塔杯盤俯玉琴江流  
無月影石磴與雲深餘興東風在聊爲杖履尋

張堯文

堯文號復吾新淦人美和七世孫萬歷十一年進  
士爲涇縣令以清名歷兵部員外郎倭寇告警

臣議汰舊共疏陳利害議乃息守衢州裁抑內監  
採銅令奉檄治河建八議奏功晉秩

龍安寺

古跡山中寺今開江上樓廢興如旦晚冷暖自春秋感舊  
題詩在逢僧剪燭苗登臨更無際九級到峰頭

雷映

映豐城人賀子萬歷十三年鄉舉

集龍光寺分賦

南州秋色滿蒹葭嘯侶携尊共泛槎遠樹帶烟迷鶴嶺澄  
江抱練映能沙談成絕倒同浮白悟入真空盡雨花歸路  
不須愁秉燭斜陽猶自映餘霞

黃之俊

之俊字君顯清江人萬歷十四年進士知海鹽縣  
政尚清簡以母憂歸不復出

登寶金寺華光閣

高閣登臨憶昔年依然臺殿倚江天三車寶偈眞詮外一  
葉慈航彼岸邊陶令只今歸白社遠公常日說青蓮風塵  
突兀欣回首贏得閒身學坐禪

迴龍寺

江天數仞閣擁衲住高頭好著空空眼西來一派流

鄒德沐

德沐字汝出一字潛夫號瀘水安福人德溥弟萬

歷十四年進士官御史諫建儲廷杖削籍家居三  
十年再起歷刑部侍郎魏璫用事致仕歸有湛澗  
文集

讀劉聘君石城洞志

從開鹿洞表山靈祇恐標題怨考亭此後欲埋名未得山  
人頭白看山青

羅大紘

大紘字公廓吉水人萬歷十四年進士授行人遷  
禮科給事中上定制書數千言疏劾申時行忤旨  
斥爲民歸里講學鄉人比之羅倫羅洪先號三羅  
稱匡湖先生天啟中贈光祿少卿有紫源文集

登獅子峰

徙倚獅峰最上頭，仙宮縹渺接浮邱。  
雲開孤嶂連天起，虹入長江帶壑流。  
楓葉有情能醉晚，黃花無語自成秋。  
高情別有陽春調，不擬人間說壯遊。

泊舟元潭

維舟依北岸，野老問三閭。  
日落江容變，山高樹影疎。  
歸林惟獨鳥，把釣得雙魚。  
雲物迷人眼，虛空得自如。

元潭閣初成邀明府同鄒李二丈宴集

仙人畱劍五陵間，千載乘雲去不還。  
欲望關河來紫氣，謾將樓閣對青山。  
雙飛綵鷁衝寒色，並駕高軒起壯顏。  
歲暮江干同一笑，始知天地有餘閒。

李啟美

啟美字成甫一字念方豐城人萬歷十四年進士  
改庶吉士授檢討有李太史集

送王則之假歸

千里一相送郊雲黯不飛潼關何處是孤鴈獨西歸柳暗  
秦川失天高隴樹微如何向岐路春草正芳菲

周獻臣

獻臣字窾六臨川人萬歷十四年進士歷官南京  
刑部主事京察謫福建布政使司檢校轉龍安推  
官好古博學纂古今異言奇事名曰鴻乙通書並  
著有嶂嶽山人語林鸞林外編英巨剽言人外脞



史惇函撫言諸書

發黃塘橋經西津渡

歸雲銜嶺半樓碧遠水浮天一村白何處山椒響暮猿天  
涯腸斷清游客

文昌菴

法幢風不定元關日尚留晴濤虛閣影遠樹入江流鳥窺  
香飯鉢雲度梵經樓寥寥人境外清磬出林幽

花姑山

花姑秀色渺三花遁跡誰堪老石華嵐氣易生山背雨泉  
聲欲送嶺頭霞胡麻自乞仙人飯桑落時傾處士家卽疑  
此中凌翰羽小天寧向赤城誇

華嚴堂

草色長曇陰禽言和梵唄一磬已無生孤雲遶天外  
香逕凍霏雲禪關寒白日說法到無聲天花飛六出

首路憶家園

謝豹啼殘麥燕飛山花伴客送春歸家園此日無人賞社  
雨濛濛獨掩扉

李鼎

鼎字長卿新建人萬歷十六年進士天資瑰異下  
筆千萬言立就尤精春秋及詩學贊鄭洛幕嘗著  
安邊策海策各一篇上之政府著有經詁及長卿

集

望湖亭

亭上湖光一望平，望中秋色動離情。  
千帆冉冉依天盡，萬木蕭蕭作雨聲。  
幔捲烟雲山隱見，地分吳楚勢縱橫。  
乾坤一劍疎狂客，醉倚危欄待月生。

寄題故園

三徑荒蕪久頻來，入夢思空傳竹枝。  
醉日不見柳眠時，石室藏雲滿山花。  
帶露滋到家，開北牖觸目是新詩。

周懋相

懋相字弼甫，號鶴峴，安福人。萬曆十七年進士，以御史按雲南平寇亂，改蘇松。既行，聞寇作，復返解。河南圍朝廷，以爲能，晉撫寧。夏以勞瘁卒於官。

偕友遊石城洞設飲雲樓

爲探靈洞隱燎火帶星明色相空中盡雲霞世外生石田  
誰種稜澗水自縱橫會有携柑興雲邊聽鳥聲

左宗郢

宗郢字景賢號心源南城人萬歷十七年進士出  
御史歷太常少卿所至有聲少從羅近溪鄧潛谷  
學及歿爲之請諡居鄉多義舉以所藏書三百七  
十種貯郡學著有景賢集焚餘疏草麻姑山志

秋遊麻姑步鄔郡伯韵

瑟瑟丹楓點亂山偶從仙吏共躋攀明河雙落蛟龍影雲  
霧長封虎豹關紫翠忽搖金冉冉碧溪如帶玉潺潺滄桑

幾變人間世唯有蒼松不改顏

劉文卿

文卿字孫如號直洲廣昌人萬歷十七年進士由  
金華司理擢吏部主事所薦多剛直之士新建相  
有所托持不聽尋改刑部丐調南兵部歸年僅三  
十三卒天啟中以趙南星疏請贈光祿少卿有直

洲集白石遺編

春日由鹿田寺入冰壺洞

幽澗曲相引同君逸興賒林香侵淺草水色映初霞  
嶺盡  
樵歌斷巖深鹿跡斜淮南多隱思叢桂幾時花

陳嘉訓

嘉訓字彝仲號思岡鄱陽人受學於史惺堂萬歷十七年進士授行人與鄒南臯顧涇陽同以氣節自任當事排之出爲南吏科疏請立儲又彈首輔沈一貫未幾罷歸杜門講學尋卒熹宗時手勅褒之贈光祿卿

贈朱孝廉廬墓

秋原封馬鬣築室枕山邱日暮西風起松聲處處愁

祝世祿

世祿字無功德興人工書畫善談名理萬歷十七年進士令休寧尋爲畱都兩厰監陞南京尚寶卿卒有畱垣諫草環碧齋小言及詩集

南天王寺

半榻松雲對鶴眠，浪疑人在蔚藍天。  
風林不秘聲聞法，瓶水瓶花裊篆烟。

遊芝山

溪山春正半載酒，上空亭取醉非吾事。  
乾坤忌獨醒。

弔胡忠烈公

矯矯蒼龍骨，霜威凜莫摧。  
當年英氣在，忽地疾風迴。  
湖面波濤吼，城頭鼓角哀。  
不須千載後，遼鶴夜歸來。

黃立言

立言字大次，號石函，廣昌人。  
萬歷十九年鄉舉，以睦州司李攝杭州府，擢知遼州，佐制府平奢安二

酉累遷福建鹽運使乞歸有攬葦木末浣花錦沙  
園居百兩等集

同黃季兆遊盱江樓

遙山合遠翠江路自悠悠信美仍吾土乘閒一倚樓萬家  
煙井出十里水雲秋是處饒吟興當歌且破愁

黃貞父招飲西湖上

日影蕩湖虛尊閒薄暮餘寒花雖寂歷古木尚扶疎泛舸  
雙高近登樓四照虛不堪問朝事謝傅意何如

咏紅白梅

澹與嬌相妒紅將白共憐冷香如有待芳信已先傳隔浦  
橫煙月開簾照海天何郎詩興動杯酒任雷連



題黃鶴樓

危樓高峙武昌城下瞰江流萬壑清  
弄月何年迴鶴影飛雲此地落簫聲  
千峰捲翠開平楚一鳥衝煙送曉晴  
却笑賦成非八詠登臨空見古人情

寄內

鴈繞江城音信稀遙憐少婦擣寒衣  
逢人欲問平安字家在姑山隔翠微

春夜同湯義仍踏燈作

尋常三五月分明却至燈前月倍清  
金管玉簫吹子夜落梅飛絮舞春城

昨夜春山滴翠微今宵春月上春衣  
六街燈火明如晝隔

阮分明送客歸

萬嗣達

嗣達字禹存德化人衣子萬歷十九年鄉舉知鳳陽縣性剛直敢言不避上官累至雲南副使旋乞歸卒

廬山歌

廬山九疊雲錦屏高逼清虛窺帝庭白鹿未歸丹石杳黃龍長去碧潭腥岩僧乞食來天竺山鬼吟詩潛石屋洞口層冰六月寒山腰倒景千年瀑渺渺仙源信可求青松白石總丹邱何時一杖雙峰頂長與廬敖汗漫遊

趙善鳴

善鳴字和甫廬陵人萬歷十九年鄉舉嘗與鄒元標講學歷官刑部郎中以執法忤旨罷歸有巢雲館集

白鷺洲

江郊岑寂綴行踪一片流雲幾疊峰正欲看山洲却轉有時到岸樹還濃閒來訪舊停孤棹世外栖心入定鐘秉燭  
直須遊竟夕羽衣飛夢落高松

蕭椿

椿字大年廬陵人師事曾臯與蕭近高郭一鶚爲水竹之盟萬歷二十年進士歷工部郎中建議挑張秋河道績成遷浙江副使卒於官

雲章閣

高閣遙臨晴樹起  
山山朝翠欲飛來  
柳依風岸三眠足  
桃向江城半面開  
畫裏天浮春水棹  
酒邊月冷夜光杯  
頽然醉後凭闌望  
還憶凌雲作賦才

胡大成

大成字集卿號澹源新昌人萬歷二十年進士歷知陳州潼川忤權貴罷歸杜門讀書以居父喪成疾卒有文集

望湖亭

地盡三江外  
亭窺九派中  
水光深浴日  
山色遠依空  
極浦浮征棹  
長天度朔鴻  
劍如衝斗近  
星可泛槎通  
鬢髮隨年

換登臨自古同  
朗吟湖上作  
漂泊憶蘇公

游龍光寺

香宇依空結  
虛軒傍水開  
沙明鴻影度  
逕靜竹風來  
半磬傳清梵  
秋花點綠苔  
寥寥人境外  
宴坐送餘杯

澁塘寺

暑氣回城郭  
輕衫集澁塘  
人宜幽樹立  
風漏早禾香  
鶴影橫清漢  
蟬聲帶夕陽  
半龕供佛火  
五月亦生涼

王演疇

演疇字孟箕  
號震澤  
彭澤人  
萬歷二十年進士  
授南京工部主事  
出知桂林府  
居官廉潔  
乞休歸好著書  
工真草  
有古學齋醉陶和陶諸集

鳴山

層嶂青相合村居此更深花分濃淡色鳥作短長吟倚石  
聽溪水尋僧過竹林悠悠人世事已不入閒心

劉一焜

一焜字元丙南昌人萬歷二十年進士累官右僉  
都御史巡撫浙江築龕山海塘千二百丈濬復餘  
杭南湖民賴其利講陽明之學於虎林外郡小邑  
皆增學田爲言官所誣引去卒贈工部侍郎存石  
問山房集

寄題金山寺

長江流日夜縹緲一峰殊落景疑飛動盤根定有無雲端

清磬濕樹杪佛燈孤幾見登臨客扁舟下五湖

清蹕

清蹕歸何晚刊山紀漢功猶餘元石碣竟墮鼎湖弓社稷  
三犁後園林百戰中如何膏血盡辛苦事和戎

劉一燦

一燦字季晦南昌人一焜弟萬歷二十三年進士  
累官禮部侍郎光宗初擢尚書兼東閣大學士受  
顧命倉卒定儲請李選侍移宮後爲魏容之黨所  
傾累疏乞歸忠賢矯旨削其官崇禎初加太子太  
傅中極殿大學士卒贈少師福王時追諡文端有

策

歸田作

乞得閒身返故林，避賢者路漫沈吟。  
當歸分合山中老，戀主情彌闕下深。  
鑿井耕田歌帝力，量晴較雨答天心。  
十年塵夢今番破，一曲滄浪思不禁。

將謝病歸豫章有懷東湖別業

三載牽纓絳浮名，滯一身頻勞江國夢。  
空逐帝京塵水石，新蕪滿園書舊業。  
貧白雲慚有約，回首重傷神。

別業臨湖上，悠然旅思長。  
春來夢花鳥，客去憶求羊。  
翳翳深蓬徑，蕭蕭種竹房。  
何當理歸棹，幽事在江鄉。  
巷僻市聲少，庭幽野意多。  
竹猗籬外雨，花颯檻前波。  
有客攜琴至，何人載酒過。  
依稀飲中意，漫醉亦成歌。



長安鳴雨積。羈思眇難平。薄宦情無賴。還家夢不成。層陰當戶暝。流潦浸階明。記得南樓夜。蕭蕭傍枕聲。

最愛南樓月。平鋪十里秋。澄暉疑霽雪。素影蕩寒流。露下覺衣冷。宵中聞笛收。音塵千里隔。此夜重悠悠。

謝廷諒

廷諒字友可。金谿人。萬歷二十三年進士。弱冠以詩文名。有晉魏六朝之遺。以行人主廣西試。尋以語侵權貴。改南刑曹。出知順慶府。棄官歸。有清暉館帶欄編起東草縫掖集。

隄成喜眺

新泉帶雲林。神泉散春陌。五峰鬱華澗。九井開元液。宛宛

隄漸成盈盈水方積却倚墨池東西顧紅泉客驚禽掠激  
浦渙鱗起泉石爲樂共濠梁行歌異楚澤滴水靜橫流悵  
然懷古昔

王爾康

爾康廬陵人萬歷二十三年進士官行人

重過金牛寺

江迴古寺春經過不厭頻煮茗泉留客移牀月近人陳隋  
傳舊序支許愧前身願得金牛度蕭然出世塵

朱世守

世守字惟約號玉槎安福人王時槐門人萬歷二十  
十三年進士官刑部侍郎魏璫指爲東林黨削籍

崇禎初復官尋辭歸

鄒南廓先生膺特召詩以勸駕

春波渺渺獨愁予芳草依依二月初堪羨蒲輪迎角里應  
借樗散賦閒居黃金臺下收奇骨白浪江邊佇素書喜沐  
一天新雨露臨期何事更躊躇

山遊贈賀武匡

葛嶺雷岩幾日秋名山結伴此同遊鏡湖君自足千古錦  
里我還無一邱天入雲林人影澹樹依磴道鳥聲幽多君  
脫口題新句不用奚童喚海鷗

錢山

錢山寧用買山錢絕勝桃源別有天西社東鄰烟景裏杖

頭風月自年年

黃大順

大順南城人萬歷二十三年鄉舉官推官

過仙都尋丹霞舊跡

風掠殘花片片飛  
遙空嵐翠濕征衣  
草遮曲徑人烟斷  
雲鎖層關鳥道微  
錫影穿林看鶴過  
濤聲帶雨待龍歸  
捫蘿試問桃源路  
指點江山半是非

彭大科

大科號媿名分宜人萬歷二十五年鄉舉知漢川  
縣調廬江有治聲陞北城兵馬司守正不阿魏璫  
惡之遷京東同知璫敗擢工部主事尋歸

坐得翠樓

雲峰不可躋，迤邐凌空碧。梯磴臨丹崖，巉嵒履危石。飛榭  
蛛絲懸，連岡鳥道窄。俯視滄溟外，仰睇北斗側。落落振羽  
翰，飄飄豁胸臆。我欲駕長虹，驂雲扣元極。

鄧漢

漢字遠游，自號簫曲道人。新城人。萬歷二十六年  
進士。除知浦江縣。徵河南道御史。累官僉都御史。  
巡撫順天。忤魏璫，遷戍貴州。崇禎初，召還。未及而  
卒。有大旭山房、雷夷館、南中紅泉諸集。

行部迤東道中雜述

楚楚山下茨，移種託庭隅。色澤紛妖蔓，綠陰互相逾。秋蟲

鳴其根黃雀欣所居勢盛易侵軼蘭葉日夜枯我行適見  
之拔劍芟其蕪抽棘動傷手流血忍至膚強爭造化權傍  
人嗤我愚東陵有佚盜西山餘餓夫獨秀靡不摧百足自  
相扶捷徑先啟行賢者猶競趨下里多和音焉能辨笙竽  
空言誤人國黑白同一塗萌蘖初甚微終嗟蔓難圖

客行劻徂暑中道正病暍傍睨清冷水快意思一啜路人  
急搖手執勺未及咽細辨啞泉字隱隱見題碣我意不無  
疑強復忍其渴此口在人身宣納固有節末俗矜名論胡  
爲但謙聒詐語恒似詈直諫本爲訐不聞大庭內市井爭  
瑣屑根株寢廣引聲勢巧虛喝錙銖較勝負何異鼠鬪穴  
安得飲此泉永結讒夫舌宇宙復清謐斯人免狂齧賦詩

擬采苓從此亦囊括

春日述懷寄湯義仍

漢域春陰盡蒼山旅病淹梯航三面入風壤百夷兼五尺  
通秦道單車卽瘴炎投荒虛繡斧覽勝引彤幘市有紅藤  
篋家珍白井鹽泔蹄規海闊崖峩露峰尖霜箐長含潤温  
泉側注氍衣冠餘熨爨貨貝古閭闔茉莉簪花豔稔杭釀  
酒甜緇紋披似篆蠻語聽猶譖烽燧宵常警荏苒日戒嚴  
由來稱亦服未可廢戎鈴往者勞徵發王師快殄穢傷心  
多戰哭無術救危阨退食聊閒步幽吟却卷簾磔雞初學  
卜射隼竟空占素拙身何補浮沈趣自恬怪看魚種種轉  
益貌廉廉藥裏頻須命觚毫懶欲拈神龜寧要灼廐馬剩

須臾自笑名爲累誰知意所快以予嬰世網念子獨淵潛  
客坐閒垂釣妻鋤並擁鎌遊魚窺硯沼微雨映書籤句琢  
文心巧時推筆力銛七襄勞組織一字費針砭善戲非爲  
虐雄文合愈店木蘭舟汎汎荷芰帶襜褕麗曲傳箏柱閒  
情詠鏡奩吟當花纂纂舞愛玉摻摻多取天應忌高名已  
亦嫌餘生甘剝別抵死乞髡鉗老態杯中失窮愁病裏添  
澤塵安飲啄溷鮒且喁噓世外論歎賞私衷早屬屢筌蹄  
自有契膠漆乃非黏別怨稱殊未歸期歎不詹春心傷碧  
草秋望滿蒼葭饑渴思瓊樹書題倚素縑空庭無過鴈竟  
夕坐明蟾今古論究憤乾坤幾顧瞻已而應請鳳宛彼一  
鳴鶴種竹籓官舍看雲到步橋池萍青靡靡砌卉綠纖纖



戀關心徒奮傷時日合籍風塵途漸迤原野氣猶熾輦轂  
憂胡越深宮歎釜鬻迷津憐弱喪回策庶西崦瘴海愁空  
說鄉園淚暗沾思君遙送目烟雨晦巴黔

武定變

朝登武定城暮宿抵羅次有何履眉叟遮車泣訴事問叟  
何所苦問叟何所覲叟耄復健忘憶一不記二往者萬歷  
初邊守幸康又守令咸得人民物鮮札厲伍伯不到門什  
一有恆稅到門米纔十錢半錙易一醉龜貝自轉輸工價  
集駢坐相歡太平人但供角觥戲嗚呼廿載間乾坤一函  
閔中丞文且武抵掌談封拜羽檄豈虛來兵革靡寧歲忍  
以百萬命而快一人意忍自千里地而希茅土賜守臣本

蠹賊中璫甚狂獬此輩統袴子况彼糞除隸咆哮而負嵎  
逢者鮮不噬不忍困民怨奈何虎寇吏一夫敢倡難餘孽  
竟昌熾訛傳寇初集頗遭守者嘗黽勉授殘甲垂頭望聊  
睨蜂涌圍已合蟻薄城遂潰巷戰力不敵免胄期殞碎烈  
烈金與王闔門竟死義宛轉蛾眉女慷慨丈夫氣泣抱黃  
口兒牽挽及姊姒相繼付烈燄義不污賊鑕草間苟求活  
羞彼郡都尉難撲燎原火易乘破竹勢中丞文且武小醜  
曾帶芥下令城中外毋得輒引避按堵第如故已定退賊  
計賊來如風雨剝膚患孔亟晨昏牙門啟文武咸就位寇  
賊在門庭請問計安出中丞噤無語汗流手顫悸但云烏  
合衆不久自當退城外鼓盈天城中哭震地賊徒皆重鎧

踉蹌錯其臂每聞得漢兒亦腹必洞刺刳腸挂樹枝烏鳶  
下爭食尸積雲津橋血流滇海澁中丞非不武空拳安可  
試登樓望賊徒惛然思所畏或用緩賊謀姑爲好語慰彼  
賊若罔聞瞋目仍攘袂惡詆至不堪左右皆沮媿甘受城  
下盟竊發虞姦細犒用十二牛文錦先皮幣葦紫織成衣  
黃金鉤落帶銀印龜形鈕本自上方製名器敢輕假曾謝  
孛餅智賊衆始拜舞觀者猶惴惴賊來荷戈入賊去駝金  
回何對切可憐窮窳孃抑作犬羊配虜獲動無算男婦必累  
騎輜重百里間縣縣行不絕此芮切獯賊固饒悍小勝輒怍  
怵餘制切中丞文且武開門悉精銳擊歸伺其怠小隗安足  
殲但聞攀牆看誰將一矢遺去聲夷民舊部落府主新儀衛

前歌後有舞送歸刺史解昭昭漢日月幾向蠻天墜  
幸須臾延頸王師至焚香拜馬首雙頰如雨淚不意溝壑

軀復覩漢旌幟感激活我恩人持一筥餌長跪自主帥帥

聞乃大譁怒聲吼如雷立命三軍士居此圍城中盡與賊

勾結

吉請切

從賊有顯戮任其所斬刈軍士擁向前兩手揅

其髮

方味切

舉刀便欲斫觀者但聘貽叩頭連乞命我輩有

何罪爾輩實無罪是爾命盡日

而至切

昨傳中丞命首開購

級例重賞不踰時以此競趨利搽賊無所得失利且有害

頭顱許借我誰能別真偽老幼聞此言號擗淚盈背生既

無門控死當訴上帝駢首就鋒刃流血如泉沸次第列功

狀報捷日三四中丞啟捷書抵掌大稱快催軍益前進功

多賞亦倍傳教諸將營努力功名會今年殺諸賊金印如

斗大當取懸肘後急擊慎勿失

式吏切

天網恢恢布多殺神

所忌逆賊既就俘將吏亦被逮糜爛同一理誰逃百六配

鳥懈切

叟昔有三子諸孫繞膝嬉酷經喪亂來並無髻亂鬪

田園既蕪沒居室遭焚鬻親友荆殘盡生理迷所寄人皆

羨高年高年有顛領歎息老叟語停鞍重款獻

去聲

召變良

有初妖象著爲孽町疃作戰場噫嘻豈偶值

去聲

奉陪蘇中丞游招寶山同作次壁間韻

突兀如臨碣石傍天青島嶼辨微茫千年陰火疑潛爇三

足陽鳥本內翔魏闕遙瞻天北極戈船爭指日南王臣心

似水朝宗遠一任汎泐變作桑

暫還故里作

奉使有常程展覲遂我私方申倚閭願敢恨稅鞅遲羣犬  
驚吠客主人猶自疑日日理容鬢不知霜暗滋乍見星星  
出兒輩已竊窺念舊感親友勞苦如平時中筵話團圓閒  
及存歿詞循覽周廊除井竈多遷移庭樹槭以落攀條忽  
愴而豈不歡今聚故是傷昔離

初入明州

襜輅欲往且逡巡勾踐山川到海濬賜得甬東三百里教  
成君子六千人赤堇精氣偏高越白馬潮聲半夏閩底事  
剡溪須盡興樵風容易往來頻

旌旄嶽鎮古明州千騎東方在上頭手版但慙彭澤長樓

船空詫禦兒侯後園吏舍從歌嘯勝地山家亦宿留天意  
鑑湖私一曲歸與聊緩越鄉憂

田家樂

烟火高原合雞豚小市通夜行防虎阱寒至築牛宮捕雀  
遵桑翳澆麻引竹筒今年倍收秫不怕壘頭空  
挾彈驅田鼠持竿牧野豚但令倉有粟寧使婦無禪賣藥  
曾過市催租少至門不知今去漢歷代幾兒孫

山中樂

隱几虛堂懣蔭移家人喜愠不令窺尋常甘脆支旬日單  
屨衣裳逐四時比舍讀書兒竊聽中園載酒婦常隨人生  
行樂空何待五十頭顱足可知

詔獄初上蒙恩削籍仍行推問感事

詔獄初將罪狀頒猶寬斧鉞許生還  
鴟鳴廳事心知變鵬止庭隅貌却  
閒黨錮未聞誅郭泰坑焚終不到  
高山飛蛾赴火魚貪餌到此噉噉亦強顏

元陰四塞日無輝久矣堅冰識禍機  
幸免西州名士恥甘蒙南部黨人譏  
爰書一代闕衰盛實錄三朝有是非  
舊事不堪重省記慶陵遙望淚霑衣

大陸平沉孰不波冠裳同室盡操戈  
將興趙宋同文獄肯恤遼東浪死歌  
戍壘無人嘶鐵馬宮門有客嘆銅駝  
憂時欲作林宗慟高詠瞻烏涕泗沱

吳門得楚移不赴歸日值立春



楚南湖北佳山水牙戟銀章別外臺  
笛曲依依溪上怨花源宛宛畫中開  
兩期勝託歸行部疾病窮山懇放回  
預與晉人申一諾扁舟他日問漁來

遙帆垂發倚金闈烈烈寒暉爭曉霜  
驟覺官司新禮數倦言溝壑舊流亡  
心知代斲須傷指迹類操刀且善藏  
最是萋萋車畔草東風首路去來將

救荒推報有羣公使者巡方職採風  
直以衆言資廟斷敢從當路探私衷  
風波言下尋翻覆碁局枰間巧異同  
仕宦儼然那是問羞人咄咄寫虛空

園居

自免來歸後園居也薄營種魚寬鑿沼馴鶴細編荆竹塢

前遮路藤陰却背城鄰人謾相詫閉戶一先生  
繡牙貧能典青蚨老不靈羞人問田舍廢箸起園亭萍水  
一池綠雲峰半閣青真成爰寂寞獨少太元經

蒙恩謫戍黔中鎮遠有述

傷弓落羽怕聞弦恩譴翻疑雨露偏幸免黃門北寺獄猶  
寬太白夜郎天嚴裝擬就瓜期代禁網何因草赦旋邊壤  
自慙無寸補衰頽且喜事戎旃  
却脫緋衣着赭衣驚魂猶自惕天威狄生乘障雖知險賈  
傅投湘亦少誹荒戍生涯隨魍魎故山勞役歎蚍蜉早知  
人事多消長詹尹何勞問是非

新第落成謾賦

晏子初更宅馮灌幸有家栽桑期作繭種柳待藏鴉世業  
留元草家風賦白華終當去城郭盡室餌丹砂

樹靡東南日窗開向背林含桃舒雨後啄木響春深抱甕  
時臨井揮鋤豈顧金方同魚鳥性山澤遂飛沉

鍛鑪依柳下瓢杓掛林中水爲臨池黑泉因洗藥紅畱詩  
招隱士作賦問天工咄咄終何事將尋植杖翁

晨光發檐隙雨氣入渟澄病似懷春女閑疑結夏僧玉壺  
聽鳥勸髮几隔花凭晚節如將免須求太藥丞

芙蓉閣

上路風烟抵狹斜依然城郭舊人家平臨粉堞眞如帶遙  
望丹樓却是霞雙瀑因風飄素練清川寫照入菱花愁看

西北浮雲外，謾復舉帷闥。歲華

閒居

敬通歸里日，彭澤去官辰。酒熟邀田父，花時對孺人。素琴橫竹几，藜杖挂山巾。在世無明略，猶堪傳隱淪。

喜雨推窗早，憎寒困酒初。兒方學黠慧，客有饋生魚。夢舍聞鄰織，移牀看婦梳。頽然解衣臥，櫛櫛復何如。

漫興

夜色人初定，花香牖暗通。蒲團清課後，紈扇豔歌中。捲卷思寒素，挑燈看女紅。癡兒不解事，頭困觸屏風。花縣常三仕，臺烏偶一枝。不能執虎子，須效牧羊兒。蘭摧終異艾，豆落僅存其。共說長沙傅，生當盛漢時。

江西詩徵

卷六十一 明二十三

三

寄鬱儀宗侯

自向朱門啟薛蘿，白雲叢桂倚婆娑。  
親裁同姓諸王表，家習中山孺子歌。  
腹有三壬寧論貴，胸藏二酉不言多。  
生兒且喜稱隆準，勝帶皆鳴九子珂。

寄王曰常

葦箔懸門覆綠蘿，起看庭樹笑婆娑。  
君房酒境愁中遠，元晏書淫病後多。  
有女蕙芳初畫的，侍兒桃葉本能歌。  
近知荒歲人烟少，一飯比鄰不妄過。

寄何旡咎

風濤潮汐未應虛，腹字那無徑寸魚。  
海上老兵韋袴褶，山中隱士竹翹書。  
品泉石磴迎涼早，九藥春林饋露初。  
婚嫁

不關兒女累却煩羔鴈到庭除

時有子得佳

四壁圖書白覺尊不從人俗競朝昏荒庭尚隱元微子素業應傳洛誦孫農扈勸春同布穀壺人爭口有清猿似聞椎髻能借隱操作常穿犢鼻褌

寄王光祿

荷巾蕙帶日徜徉猶憶先朝尚食忙萬石家風承內史一門叔父有中郎歌徵挑葉雙鬢豔酒布蘭生百末香重恐干旄煩守相扶筇多在果園坊

寄米君夢

山色連牖竹映檐黃緣西渡復東崦移家僅有三門窳貨客曾無一尺縑衰向小兒方舐犢病從中婦賦鳴鶴知君

恤緯多深念，感激時時奮。老髯

齋居清課不勝書，適性從教請託疎。未識餘生幾兩屐，且  
乘中佃一轅車。披衣艾納香銷後，隱几蓮花漏下初。自覺  
胸中無宿物，白雲朝莫卷還舒。

奉寄華山王

別館春雲宛宛舒，華山國裏似華胥。銅丸解擲漁陽慘竹  
筒，時探宛委書。論定千秋知敬禮，時危百一感應璩西園。  
飛蓋無虛日，文學誰堪載後車。

陳邦瞻

邦瞻字德遠，高安人。萬歷二十六年進士，累官兩  
廣總督，入爲吏部侍郎，學本經史，撰宋元史記事。

本末詩入金陵社有蓮花山房集

湖鴈篇

秋山落葉秋聲瑟遠水浮天天一色日暮平湖深更深扁  
舟遙界天光碧此時南鴈正爲羣此際悲鳴斷續聞幾處  
淒酸叫涼月數聲嘹唳破寒雲雲破天青月浸沙無端哀  
咽向蘆花早梅暗落高樓笛楊柳驚飛出塞笳幽修似伴  
魚龍語却聽啼鳥奈何許思婦天涯夢不成征人故國淚  
如雨曾說聽猿易斷腸那知聞雁重悲傷九秋霜露寒更  
苦千里關山獨夜長塞北江南天浩浩斜飛欲盡銜陽道  
足下何曾寄客書聲中只解催人老世上銷魂是別離他  
鄉霜月易成悲誰家錦幌銀屏夜過盡寒聲獨未知



斬蛟臺

萬古旌陽宅江天四面開  
蘿青懸石磴沙白繞雲臺  
雁影秋翻月潮聲暮捲雷  
斗牛橫劍氣猶似斷蛟來

江南樂

清明乍出遊風日不會惡  
桃花片片飛道是羞儂落  
桃花亦太早妾顏亦太好  
早殺不耐春好殺不耐老  
門前潮水來朝來暮還落  
動作經年行始悟歡情薄  
鷓鴣南枝鳥愁隨雁北去  
儂家是江南但愛江南住

後湖看荷花與曹能始  
梅子馬諸公同用香字韻  
綠水紅葉欲斷腸可憐秋色似橫塘  
晚風不見木蘭榭明月無人花自香

賦得千山紅樹送姚園客還閩

江南九月霜始飛，秋光春色兩依稀。  
萬樹欲丹凝濕霧，千山如醉帶斜暉。  
畫史含情拂輕縞，解作秋妍秋不老。  
自識晴雲羅錦林，莫疑赤燒連衰草。  
此時游客正天涯，此際離腸忽憶家。  
聽絕啼鶯嬌在水，愁看飛鷺落齊霞。  
閩天杳杳接江路，酒罷送君從此去。  
想得風前荔子丹，尚疑題葉銷魂處。

七夕

歲時還七夕，風俗更杭州。  
聞道湖船女，爭歸乞巧樓。  
輕雲籠月度，疎樹帶星流。  
不有乘槎客，憑誰識女牛。

久雨

久雨牆苔積濃陰苑樹遮席門寒下雀蒿徑曲藏蛇浦水  
連街鬧江潮帶閣斜誰憐都會地卑濕似長沙

辛丑之秋自留暑乞假歸省公途觸景輒成

水次兼山次昏星復曉星古城巢父廟仙迹吕公亭日落  
烟光白雲流石氣青橫塘秋浪闊鷗鳥自冥冥

王嗣經

嗣經故姓璩字日常上饒人博學多撰述吟詩不  
輟有詩入金陵社集

臺城懷古

湖山迤邐接亭阜前代遺踪有石壕別殿珮環歸祀棘修  
陵鳧雁出蓬蒿臺荒過午樵歌入寺近經時梵鐸高腸斷

嶺舟山下路 年年春艸似青袍

賦得湖清霜鏡曉

歸客金陵道 霜帆夢鏡湖  
秋水衣斂海曙日輪孤慢卷  
波紋殺舟凌 露藻珠潮平光稍白  
風定浪還無清映水花  
薄澄涵錦樹 鋪烏來分水碧  
人去亂汀菰賀監風流在臨  
風酌一觚

人日送范東生還吳澹然之燕

共沽人日醉 那謂客程分  
早樹鶯呼友晴沙雁戀羣  
夢交南北路情作去畱雲  
管取秦淮柳連枝好贈君

集臧晉叔希林閣賦得雨中鍾山春望

風光帝里入 韶年紫闕丹  
山霽景懸繞禁柳容開羽葆傍

陵嵐翠結鑪烟催花氣煖先蒸雨消雪岩空漸迸泉曾是  
高皇布時令至今猶自發春偏

賦得千山紅樹送姚園客還閩

秋山何處無紅樹君歸獨向秋山去霜錦千章照客衣林  
霞一片隨行屨幾曲雲林到武夷幔亭高處坐題詩南天  
氣暖無冰雪直到春花憶此時

金陵元夕曲

三市非烟五劇塵九微焰接百枝新楚萍散作星重暈趙  
璧飛爲滿月輪

十二龍城徹曉開金吾銀箭不相催行隨燈市家家月看  
到花林樹樹梅

邸第高依尺五天，衆中誰過李延年。  
移團夜色嬌羅綺，隊隊春聲散管絃。

武騎喧闐衛富平，紅燈千隊導蜺旌。  
三山火焰瓊花發，人在南天赤玉京。

青溪水亭遲葉五循甫

涿水微風爽氣新，重重樓榭接花津。  
葡萄葉暗宜畱客，楊柳條疎好望人。

郊游

禁樹青郊外，重城綠水湄。  
園林春閨月，花鳥晝晴時。  
遠岫平浮檻，清泉曲到池。  
晚紅私蛺蝶，新綠逐黃鸝。  
烟斷游絲見，風輕絮絮知。  
一陂芳艸色，禁得馬蹄遲。

曉望

雨餘湖面靜雜樹曉氤氳空水遙難辨山花近漸分葉齊  
增岸影魚聚盪波紋日出林光白英英散宿雲

陳蓋卿杏花村移家因納姬

不離井闌近移家艸徑茅堂帶郭斜豈爲秘書增斗帳轉  
因載牘問香車新入路半邀桃葉鄰舍籬根問杏花何事  
多情舊時燕隨君將子過檐牙

悲夕蟲

悲夕蟲夕蟲戀殘暑露下爲誰啼風前還白語寓籬兮旅  
井依蒲兮家楚隙文石之雕牆綠枳叢之土宇歲如何其  
歲向陰彼映虫兮俟秋吟展衣裳兮如雪鼓隊與兮如琴

落葉不上枝因風亦復起清風若無私何因有彼此一葉  
隨飄揚一葉沾泥滓寄語風前葉莫墮東流水多謝三春  
風山中多蘭芷

舟夜

席邊卽水底篷外是霜天偶得寒更句孤舟燭不燃

趙師聖

師聖字原睿號我白南豐人萬歷二十六年進士  
歷庶子遷少詹事每進講調護東宮卒贈禮部侍  
郎曾作邊詞三百餘首論九邊大計都人傳之有  
東綠堂集鳴榔草東里集紅泉集丹霞洞草

望軍山



望軍山夫如何綿連控地不斷壁立插天可摩泰華  
西瞻界巖磔匡廬東走失嵯峨嵯峨巖巖數百里北斗南  
箕相對起絕嶺遙窺荷笠峰細流俯瞰盱江水雲移鵝石  
畫陰陰雨洗龍潭色更沈仙宮洞口悵縹緲王母池前自  
古今古今徙倚浮蒼翠岡巒遠近空虧蔽雲物猶傳漢將  
名桃源謾作秦時地探奇浪說未曾休咫尺甯山隔上頭  
何日籃輿峰頂去乘風天路獨遨遊

袁業泗

業泗字時道一字景源宜春人萬歷二十六年進  
士由樂清知縣擢南京兵部主事歷官鴻臚卿致  
仕歸京師陷痛憤成疾卒有燕游草秀橋歸來集

黃郡伯重修珠泉亭

爲訪城南踏逕苔珠泉重對賞心閒澄澄夜色侵苔岸  
豔春花入鏡臺幾度昆明奩照後重驚合浦逐波來當年  
樓閣增佳麗已識騷人作賦才

重經昌黎祠懷古

公昔移潮來楚荒海天身世共徬徨諫書詆佛乾坤定原  
道匡儒日月光萬里南雲開氣勢千年北斗倚文章而今  
四海方多難願得如公惠此鄉

漱石亭

峭壁控青泚幽人衆峰裏澄澄且濯纓鑿鑿堪礪齒波淨  
江如練霞明石似綺坐嘯欲忘言怡然悟微旨

振衣亭

高尋石頂行亭亭千仞許孤鶴橫江過五老排空語掌上  
列星辰肘後興雲雨振衣聊躑躅白日生翰羽

嚴堯日

堯日號用汲分宜人萬歷二十八年鄉舉官太和  
教諭郡士俱就學吉水鄒南臯臨川陳大士均推  
之有白華藜西昌雜草

蟠龍山

羊腸歷盡見龍湫澗道窮源得此遊古寺因緣餘礎在高  
僧色相一燈留溪山到此天疑盡石磴穿時客未休更逐  
白雲歸大仰烟霞迷望隔丹邱

雜厥葉兮關塞遠  
催砧杵兮閨闈深  
念啟蟄兮昨日炎暑  
涼兮電疾感蜉蝣之朝夕  
譬在條之日及將自鳴兮及時  
願傾竭夫小知樂振羽之幽什  
陋局促于唐詩方委蛻以  
順變寧鼓簧以媚俗  
顧卵翼之溢恩宰何心而亭毒東序  
兮南榮蕭蕭兮夜聲寒階兮雨作枯樹兮  
蒼鷲緊無衣之  
游子閨絡繹以何情

悲寒菼

王孫行未歸  
春艸秋更綠  
鴉鳩忽以鳴  
衰朽一何速  
柯葉向凋殘  
華滋謝芬馥  
物去新而就  
故每傷心於觸目  
臨高臺之鳳凰  
呈絕塞之雞鹿  
比茗華之云暮  
况兜鈴與苜蓿  
去日遠兮  
憂思煩撫蕙草兮  
不敢言春朝  
負彼陽春色  
秋

夜禁茲秋 露繁被女蘿兮帶茹慮有蘭芷兮蒸文無余慕  
子兮甘如 齊荃何爲兮集于枯集枯兮去滋辭榮兮若遺  
順生殺以成歲得大易之隨時隨時兮狼籍美如英兮惜  
無色想衣帶之餘芬戀綦組之舊迹雖根芟之日陳寧無  
意乎弱楠諒芳心之不死庶春風而還碧

黃龍光

龍光字二爲浮梁人萬歷二十六年進士授工部  
主事督兩宮大工以節省忤中官謫黔召還家居  
天啟初起兵部武選司歷陞右通政司建言停刑  
拂魏瑞意戍沅州瑞敗詔復原官有黔遊燕遊集

葉金亭

江上清風似可呼一金拋後此亭孤只今亭下涓涓水曾  
有貪泉半點無

謝廷讚

廷讚字曰可金谿人與兄廷諒齊名萬歷二十六年進士甫釋褐卽上書諫礦稅都人爭目之授刑部主事疏請建東宮神宗震怒遂削籍教授維揚光宗時追贈尚寶卿有玉馬軒步邱艸綠屋遊霞繼亭等集

金堤

十里長亭一曲波金支翠羽共婆娑分流未蓄桃花水槌石先成瓠子歌

徐良彥

良彥字季良新建人萬歷二十六年進士知婺源  
溧水二縣徵擢御史出參議福建擢山東副使入  
爲尚寶少卿歷僉都御史巡撫宣府以崔呈秀論  
劾遣戍五溪崇禎初召回起南京大理卿升工部  
右侍郎致仕卒

江上聞笛

笛聲起江樓怨入長江水悠悠孤月光寒影沉江底長笛  
吹月落短笛吹月起無情不解吹有情爲吹死因風寄遠  
心不知誰家子

落葉

周禮嘉

禮嘉字體亨號筠冲彭澤人萬歷二十八年鄉舉  
官萬安教諭陞四川江津縣時奢賊據渝郡禦兩  
月卒全孤城以監軍同秦良玉恢復全省敘功應  
詔入京值魏璫用事致仕歸卒

小孤山

高閣千尋俯碧流插天孤柱海門秋柳疎共識陶潛徑沙  
靜初維范蠡舟入世幾番傷老大登高今日槐交遊不堪  
重拭風塵眼但摘黃花插滿頭

熊化

化字仲龍清江人萬歷二十九年進士官行人出

江西詩徵

卷六十一 明二十三

三



使朝鮮所至爭購其詞翰屢上書言事論方從哲  
誤國出爲維揚兵備副使拂衣歸唐藩時授吏部  
左侍郎尋歸隱

宿石城巷

夜半疎聲斷鳴泉度石關雲霞深象外烟火隔人間夢入  
松風穩神隨蘿月閒靜林驚落葉知是鶴飛還

送盧本潛明府入覲

雙履飛雲去孤琴向水愁星河連極北姑射自城頭梧竹  
燕臺曉蕪蘅楚峴秋但留瀟浦月千載映清流

龍遇奇

遇奇字才卿號紫海本寧人萬曆二十九年進士

歷官監察御史巡按陝西平冤獄活數百人巡視  
兩淮辭務以清謹聞

甲辰春需次入都諸君餞於金溪草堂成一律

名山精舍已千年勝跡追遊集衆賢往歲車螢曾照牖今  
朝祖馬獨先鞭隴雲暗度關河遠潭水晴分草樹鮮眼底  
諸君並才俊他時聯佩侍經筵

袁懋謙

懋謙字吉卿豐城人萬歷廿九年進士選庶常歷  
兵科給事中有虎溪詩選

鄱陽湖

鄱湖百丈鎖蛟宮向夕颿飛廣莫風雲裏匡廬看出沒天

邊日月挂西東  
三江水漲銀河接  
萬里潮迴鐵甕通  
此地一經龍戰後  
千年人識帝圖雄

龍沙晚泛

步出城北門  
臨流展遐眺  
秋氣一夕還  
水竹遙竒窳  
理楫信相羊  
同人狎歌笑  
巖穴藏歸雲  
林坳留返照  
倚岸乍登躋  
迴巖生萬竅  
霞流獨樹明  
天遠羣峰峭  
樵唱失前踪  
漁歌收晚釣  
會心豈在遠  
適意緣同調  
歸途鬱以紆  
悠然發長嘯

燕雲卿祠

浮雲何濛濛  
空水足雨連  
一夜東湖雨  
春蔬綠可憐  
盤亘辭後載  
抱甕想前賢  
寂寞高風遠  
疎楊斷梓煙

登仙巖

見說仙都縹緲間到來雞犬隔塵寰樓疑結蜃空中現人  
似騰猿樹杪攀擬挾飛仙凌絕嶠誰分玉髓駐顏顏天邊  
偶作乘槎使直向銀河泛斗還

擬古

行者日以行思者日以思君子在萬里獨宿誰與怡徘徊  
增感傷託夢通音徽音徽不可接涕泣沾牀帷  
熠燿花間螢照我庭東廂高飛不能起斂羽舒其苦云是  
腐草化耀此元夜長逢時被渥澤朽質自生光

同年郭太素從廣陵携姬人爲白下之游賦別

白門花月可憐宵宛轉朱欄映畫橋怪得彩雲飛不散玉

人新度廣陵籟

入麻源

步入麻源日欲曛  
錦屏回合路難分  
誰驅怪石橫青澗  
直瀉飛泉出白雲  
坐久溼衣嵐翠重  
歸來曳杖月華紛  
仙山多境如堪臥  
採藥吾將狎鹿羣

山中晚歸

晨出後鳴雞夕歸先  
倦馬山煙已染衣  
望之在平野霞光  
返日散暝色浮空  
下追羣獨鳥飛韻  
壑奔流瀉事去無  
中戀情來非外假  
入門誰爲娛邨  
釀聊可把

東村日本歌

司馬頓年苦運籌  
東封擬解廟堂憂  
如今却似商人婦

水愁風望去舟

樊良樞

良樞字尚植進賢人萬歷三十二年進士令仁和  
有惠政遷浙江提學以不作魏瑤祠碑文解綬歸  
有三山二酉等集

暮春登滕王閣

江上春歸思渺然危欄百尺瞰寒烟美人南國銷芳草帝  
子春風怨杜鵑半嶺孤雲銜落照一颿遠水淨浮天月明  
十二樓頭曲夜夜吹簫近客船

江城懷古

層樓睥睨漢家墟百二關河帶礪封鹿放西山回萬乘劍

留南斗避雙龍沈烟極浦通朝磬濺水空潭激夜春最是  
秋江漁笛穩數聲遙和翠微鐘

登岳陽樓

楚塞迢迢楚水長雨餘新漲下瀟湘九歌緩節迎河伯十  
古傷心弔國殤肉食幾人憂社稷野謀無計莫疆場衡雲  
莫障長安日搔首青天望帝鄉

戴九元

九元字玉汝號元趾一號大圓又號固客新昌人  
萬歷三十二年進士歷知棗強臨安會稽文安四  
縣俱祀名宦遷工部員外挂冠歸不名一錢結社  
匡山放情詩酒十餘年卒

送熊涵虛署教峽江

祿養陳情乞紫宸  
恩波纔沐舞衣新  
江亭有客堪携酒  
講席無毡莫厭貧  
玉峽晴分書帶麗  
巴邱雨灑筆牀春  
風塵亦自難爲吏  
願得師儒老此身

鄧澄

澄字于德號來沙新城人萬歷三十二年進士官御史巡按江南時楊漣令常熟以申時行甥徐昌祚家居不法上其狀澄立置之法特薦漣於朝尋推湖廣僉事乞歸構東園因以自號有大隱堂清雅堂東園堂集

黃孝子投塔詩



載籍遠乃行耳目近常略孝子死爲母至今猶寂寞當其  
畢命時神感塔斷稱眴眴目不瞑熒熒魂安泊觀者環如  
堵鄉鄰驚錯愕爭傳爲黃長黃竺其邨落母疾久不愈醫  
藥靡所託念身爲母生舍身爲母藥一片血心誠異代當  
揚推老夫筆諸篇以俟采風俗

方應瀚

應瀚字養冲上饒人萬歷三十四年鄉舉歷知漢  
隰二州平白蓮餘黨尋致仕歸

絕句

三月無鹽常食澹一家露肘屢啼寒庭前一望清如洗剝  
有南窗竹數竿

朱士景

士景字湛璇別號玉壺安福人萬歷三十四年鄉舉邵武推官以廉能著終長沙同知

遊元陽洞

不淺登臨興探奇古洞邊苔封仙屐冷霞映墨池妍高鳥盤巖樹飛花落澗泉謾尋猿鶴侶此意自悠然

趙伯里

伯里字德卿號星門南豐人萬歷三十四年鄉舉令遵義建明德堂德威並立苗酋安邦彥悔過順命復宰定遠筭數無過十五者百姓呼爲趙十五張獻忠圍城守禦有方賊遂退去以世亂挂冠歸

望軍峰賦游仙曲

夙昔有微尚問道思崆峒那知蓬萊島不出藥珠宮想像  
瓊瑤居蓮峯迴尊崇陰陽亘昏曉日月繞西東飄飄乘鶴  
馭颯颯來天風翛然生羽翰一揖希尸翁

遊琴石亭

飛閣臨江上虛明復高敞簷楹落鏡中湖聲日來往美人  
此投迹於焉愜幽賞閒拂石上琴流音共清響端期靜心  
境所喜遠塵鞅沿崖徑竹生繞屋石苔長此中有真趣何  
必鹿門想

熊倅

倅星子人萬歷中官山東副使

黃巖寺

寺僻稀人跡巖深一徑通  
山泉飛磑底石磴倚雲中  
入洞諸天近參禪萬劫空  
歸來苔露滿幽興更無窮

決道長

道長字星海星子人萬歷中鄉舉官工部主事

文殊壑

雨餘山色鬱蒼蒼  
臺下憑危俯大荒  
碧落溟濛青嶂合  
坐看孤鳥沒斜陽

蕭時中

時中星子人萬歷中貢生

秋日宿歸宗寺

尋秋只在水雲鄉  
臨徧鵝池思正長  
夜半金輪山下月  
虛堂參透木樨香

江西詩徵卷六十一